

5. Dezember 2018 | Nr. 04/12/2018

Zu dpa lsw 0263 - Für Kretschmann ist Dialekt mobile Heimat

## Haußmann: Au mit Dialekt isch dui grea-schwarza Bolletik ned bessr

Wengschtens bassiert ned scho wieder a Malör

Zu dr Meldung, wonoch dr Minischdrbresident sich fier dr Dialekt schdark macha will, sait dr Schprechr fiar Dialekt ond Vrkehr, dr schdellverdredende Vorsitzende von dera FDP/DVP Frakzioh, **Jochen Haußmann:**

„Mir hend ja scho oft gsait, dass en dera Grea-Schwarza Bolletik bei ons net alles guat lauft. Des miaßa mr ja au, deshalb send mir ja Obbosizioh. Abr wenn ma dengt, dass dui Koalition ned oimol was Gscheits zsammabrengt, dann semmr scho reacht froh, dass dr Herr Minischdrbresident wenigschtens oimol ebbes gfonda hot, mit demr sich beschäftiga ka, ohne dass gleich wieder a Malör bassiert. Ond wenn dr Dialekt für an „mobile Heimat“ isch, dann isch des wenigschtens mol a Art von Mobilität, die au bei ons ohne greas Fahrverbod funktioniert.“

Mir guggat halt weidrhen net so schtark drauf, wia mas sait, sondrn was ma sait. Ond do isch die Hoffnung au mit Dialekt net grad groß, wenn I ganz ehrlich saga derf.“